



Bibël për fëmijët paraqet

Kur Perëndia Krijoi Gjithçka



Shkruar nga: Edward Hughes
Ilustruar nga: Byron Unger; Lazarus
Alastair Paterson
Adaptuar nga: Bob Davies; Tammy S.
Përkthyer nga: Arianit & Valbona Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2024 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Kush na ka krijuar ne? Bibla, Fjala e Perëndisë na tregon fillimin e njerëzimit. Shumë kohë më parë, Perëndia e krijoi njeriun e parë dhe e quajti atë Adam. Perëndia e krijoi Adamin prej pluhurit të tokës. Kur Perëndia fryu frymë jete tek Adami, ai filloi të jetojë. Adami

e filloi jetën e tij,
në një kopësht të
bukur të quajtur
Eden.



2

Përpara se të krijonte Adamin, Perëndia krijoi një botë plot bukuri dhe gjëra të mrekullueshme. Perëndia krijoi një nga një, kodrat, lëndinat, lulet aromë-këndshme, pemët e larta, zogjtë pendëndritur, bletët punëtore, balenat rookullisëse dhe kërmijnjtë rrëshqitës. Në të vërtetë,



Perëndia krijoi gjithçka që ekziston - gjithçka.

3


Në fillim fare, përpara se Perëndia të krijonte gjithçka, nuk kishte asgjë; ishte vetëm Perëndia. Nuk kishte as njerëz, as vende dhe as sende. As dritë, as errësi. As lartësi dhe as vende të ulëta. As ditë të djeshme dhe as të nesërme. Ishte vetëm Perëndia, i Cili nuk ka fillim. Por, Perëndia veproi.



Në fillim, Perëndia krijoi qiejt dhe tokën.


4

Dhe toka ishte e zbrazët dhe pa formë. Dhe errësira mbulonte sipërfaqen e humnerës. Pastaj Perëndia foli. "Le të ketë dritë".




5

Dhe drita u krijua. Perëndia e quajti dritën Ditë; dhe errësi Ai e quajti Natë. Dhe pas mbrëmjes erdhi mëngjesi; dita e parë.




6

Në ditën e dytë, Perëndia i ndau ujërat e oqeaneve, deteve dhe liqeneve, nga ujrart e kupës qiellore. Në ditën e tretë, Perëndia tha: "Le të shfaqet toka e thatë". Dhe kështu u bë.



7

Perëndia urdhëroi gjithashtu, që të shfaqen bari, lulet dhe pemët. Dhe pas mbrëmjes erdhi mëngjesi; dita e tretë.




8

Pastaj, Perëndia krijoi diellin dhe hënë dhe kaq shumë yje sa askush nuk i numëron dot. Dhe pas mbrëmjes erdhi mëngjesi; dita e katërt.



9

Më pas Perëndia krijoi gjallesat detare, por edhe peshqit dhe zogjtë. Në ditën e pestë, Perëndia krijoi peshqit e mëdhenj shigjetarë, strucat këmbëgjatë, dhe trumcakët e vegjël e të lumtur. Perëndia krijoi çdo lloj peshku për të mbushur ujrat e tokës; Perëndia krijoi gjithashtu edhe çdo lloj zogjsh për të mbushur me cicërima gëzimi qiellin, detin dhe tokën. Dhe pas mbrëmjes erdhi mëngjesi; dita e pestë.



10

Mbas kësaj, Perëndia foli sërish. Ai tha: "Le të prodhojë toka qenie të gjalla...". Dhe kështu u krijua çdo lloj kafshësh, insektesh dhe zvarranikësh. Elefantët që tundin tokën dhe urithët që nuk pushojnë së gërmuari. Majmunët mistrecë dhe krokodilët nofullmëdhenj. Krimbat e veckël dhe ketrushat lozonjarë. Gjirafat qafëgjata dhe macet trozoçaçe. Të gjitha kafshët e të gjitha llojeve, u krijuan nga Perëndia atë ditë. Dhe pas mbrëmjes erdhi mëngjesi; dita e gjashtë.




11

Por, kë tjetër krijoi Perëndia ditën e gjashtë? Dikë shumë të veçantë. Po! Tani që gjithçka ishte gati, Perëndia krijoi njeriun. Ushqimi në fusha dhe kafshët ishin gati për ti shërbyer atij. Dhe Perëndia tha "Le ta krijojmë njeriun sipas ngjasimit Tonë; dhe le të sundojë Ai mbi gjithë peshqit e detit, zogjtë e qiellit dhe përmbi gjithë kafshët dhe rrëshqanorët tokës."




12

KËSHTU, PERËNDIA E KRIJOI NJERIUN SIPAS SHËMBËLLTYRËS SË TIJ; SIMBAS SHËMBËLLTYRËS SË TIJ E KRIJOI AI ATË...



13

Dhe Perëndia i tha Adamit: "Ha gjithçka që të pëlqen nga kopshti, por jo nga pema e nohjes së të mirës dhe të së keqes. Ditën që do të hash nga ajo pemë, me siguri do të vdesësh".



14

Dhe Zoti Perëndi tha, "Nuk është mirë që njeriu të jetë vetëm. Unë do të krijoj një ndihmë të përshtatshme për të". Perëndia kishte sjellë tek Adami të gjithë zogjtë dhe bishat, që ai tu vinte emra atyre; por, nuk kishte asgjëkundi një ndihmë të përshtatshme për Adamin.



15

Kështu, Perëndia e vuri Adamin në një gjumë shumë shumë të thellë. Perëndia e formoi Gruan, duke marrë një nga brinjët e Adomit. Gruaja që Perëndia krijoi, ishte pikërisht ajo që i duhej dhe i përshtatej Adomit.



16

Perëndia krijoi gjithçka në gjashtë ditë. Pastaj, Perëndia e bekoji ditën e shtatë dhe e bëri atë një ditë pushimi. Në kopshtin e Edenit, Adami dhe Eva kishin lumturi të përsosur duke iu bindur Perëndisë. Perëndia, ishte ZOTI, Parashikuesi dhe Miku i tyre.



17

Kur Perëndia Krijoi Gjithçka

Një tregim nga Fjala e Perëndisë, Bibla
e marrë nga
Zanafilla 1-2

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

18

Fund

1

60

19

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të 'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetojë me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

20